

GOSPEL TANGKOU

(GOSPEL HERALD)

Issue No. 7

Volume: XXXIX

JULY: 2025

HAITHA PAWI



KUM THUPI

“Na Gam Hing Tung Hen”

—(Mathiu 6:10)—



OFFICE TE LEH BIBLE STUDENT TE KITHUOKHAWMNA

EDITOR:

RT. REV. KHUP DO KHEN,
BISHOP

EDITORIAL BOARD:**Editor**

Rt. Rev. Khup Do Khen Bishop

Mobile: +919612388924

E-mail: khupdokhen@gmail.com

Join Editor:

Rev Suanboi Tungdim, Director of Ministries

Mob: +918837008618

Email: suanboi@gmail.com

Managing Editor:

Pastor Dr. M. Kamneithang Zou

Mobile No: +918974609177

E-mail: pastormthangboizou@gmail.com

Contributing Editor:

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Mr Jangkholen Mate
(Mission Promotor)
6. Nh. Nuamboi
(Women Promotor)
7. Divisional Superintendent teng

Design & Setting:

Upa Khuplaljem Guite

Circulation Manager:

Pa Dongzakam

Mob: +919612198903

Upa Tutzamung

Mob: +918731830436

CONTENT

1.	EDITORIAL	: 1
2.	MELC MISSIONARY DAY	: 2
3.	MELC MISSIONARYTE LEH A UMNA MUNTE UH	: 4
4.	MISSIONARY SUNDAY	: 5
5.	MISSION SUNDAY	: 8
6.	HAITHA PAWI	: 12
7.	INNKUON A THUPIDAN	: 16
8.	SIMLEI VAI	: 19
9.	DIRECTORS' TEA	: 21
10.	MIHING HINKHO ATOM DAN	: 24
11.	MELC INNSUNG THU	: 26

Life Member : ₹ 3000/-**Patron Member** : ₹ 2000/-**Kum Khat lah man:**

- i) Khut ah ₹ 200/-
- ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrs@mail.com leh WhatsApp tungtawn a zong piehthei ding ahi. A lahmaan Circulation Manager kung a pieh ding ahi. Tualeh Article kigel zousie Editorte ngaidan ahikim suoh sih hi

Editorial laikung pan



KIDOUNA

“Ngai in tam mipite khu humpi bahneipi bangin athou a, humpibahnei lunlai bangin a ding doh ding a; asa mat aneh masangsie leh asa tha si adawn masangsie a lum sih ding hi,” achi hi (Kisimnabu 23:24)

Tam leitung pen ginna a gal kidouna ngen ahina banah tahsa a nam khat leh nam khat, gam khat leh gam khat kidouna hun hing tung abang ta moh hi. Tam atunga itahlat uh Laisiangthou bung le tang khu, Kumpi Balak leh Zawlnei Balaam kihouna sutjopna ahi. Kumpipa Balak in Zawlneipa khu Israelte gausap dinga sum le pai, sana dangka tamtah pieh dinga achiel ahi. Hinanleh, koi gausap malah in ale guolzawl tamawh hi.

Tule tu a Iran leh Israelte kidouna ah, Israel in Irante tunga gal aphuon pat ni ua, a kidouna uh min dingin, “*Operation Lion*” chi amin vaw uhi. Tami khu atunga itahlat Laisiangthou bung le tang apatsa, Thuhun Lui (OT) lai hun a Israelte dinmun leh tuhun a Israelte dinmun entuoh kawma ahing bawl uh ahi hi. Tami gal zong khu i Laisiangthou a **Ezekiel bung 38** na a thumavang kigen atang tunna zong ahi hi.

Tami khu i Laisiangthou **Mathiu 24** na sunga, i Mangpa Jesu leh anuazuite, Olive mualtunga a kihouna uh zong ahi hi. Tam silte bangchih chiengin ahing um diei? chia ana doh zingte uh ahi hi. Jesu in anuazuite kungah, ka hing peikuan chiengin tam silte ahing um ding hi achi a tuate khu “*Kidouna leh kidou thuthangte, kielte, zil kilingte*” ana chisa ahi. Tambang silte ingaituo chiengin, i Mangpa hingpei kia nading anaita china ahi mai hi. Kiging sa in um chiet vai.

“Migilou sia khau (iron rob) a gah (tie) sangin, midih khau zanga gah akipzaw hi” - Scottish Thupil.

MELC MISSIONARY DAY:

- Rev Kamminthang, Director of Missions & Evangelism, MELC

Amasa'n MELC Missionary Day hing pien dan thu tomkim Agiel thei ding a damna hing pia Pasion kung ah kipahtu gen kom in Hattuum miseingthou te zouise na bon un MELC Missionary day chibai ka hing buh hi. JCA apat a ipetou uh kum 31 ichin kum un Mangpa nasep theipen Missionary nasep pantu ding in Board Member mi 6 ana guat ua, amaute khu:

Missionary Board Members:

- | | |
|------------------------|-------------|
| i) Pastor T. Khamthang | – Chairman |
| ii) Pa Kaikhohau | – Secretary |
| iii) Pa T. Ngulkhohen | – Treasurer |
| iv) Dr. T. Tongkhokai | – Member |
| v) Pa Kapzagou | – Member |
| vi) Pa Theukham | – Member |

Tam atung a lamkai teng in Burma/Myanmar, Moreh mun pansan in Rev. Ginzapau in April 27, 1986 ni'n hakhat a Rs. 500/- maimai law in ana koi uhi. Moreh mun pansan a Missionary nasep Burma/Myanmar gam a Pasion nasep lemchang zoulou in ana khawlsan kia ta uhi. Rev. Hauzalian (B.A.,

B.D) leh lamkai masate'n pan ahing la a Missionary nasep na mun ding in 1st July, 1991 ni'n Chairel, Thoubal District, Manipur mun Rev. P.K. Khama (Director of Ministries) in Manipur Mission Field honkhietna leh latna anei a, Pu Thuamkai leh a innkuante amun a koi lut ana hita ua.

“Sahang in mi akei ding chiengin angih masa a, mihingbawlse dingten ahing phat masa uhi” - Job Thawngno.

Tuami ni khu **“MELC MISSIONARY DAY”** a tunitan a ina man uh ahita hi. Tukum khu a kum 34 na MELC in Mission Field nei a Pasian nna inasep uh ahing hita hi.

Pu (L) Thuamkai toh Meitei lah a sem ding in Evan. E. Chaothoi zong Missionary mun a teng ding in ana kisiem khie hi. Tunita'n in Evan. E. Chaothoi pen a Pension haloh kipe den nalai hi. Chairel Mission Field khu Headquarter a kinei in Tentha Tuwabal ah Hattuum hing ding khie a, Haiyang Meitei Church Moreh mun ah zong Hattuum hing ding khie kia hi, Sagol Lambi, Laingoubi te ah zong Fellowship kinei thei hi.

Ahin, vangsiet huai tah in Manipur Mission Field apeisa 3rd May, 2023 in Chairel, Tenta Tuwabal, Haiyang Meitei Church, Moreh, Sagol Lambi Fellowship, Laingoubi Fellowship Church Building teng abon

in Arambai Tenggol/ Volunteer te'n hing suhsiet sah in, i Biehinn teng hing haltum sah ta uhi.

Manipur Mission field a i Missionary semtute a haloh uh 3rd May, 2023 apat in December, 2023 (8 months) sung teng itna toh a pay uh ana kipie in, ahinlah 2024 apat in khawlsah ahi ta hi.

TRIPURA MISSION FIELD

Manipur Mission Field ban ah Field tha ding in lamkai masate'n Kanchandpur, North Tripura mun khu Field tha ding in ana ngaituo ua, 5th June, 2018 ni'n Tv. Manglianlam, Kanchandpur, Tripura mun a Missionary ding in ana koi uhi.

Kanchandpur mun apat Missionary pa pen Kangrai kho ten kou kung a Pasian thu hing hil un chi'n ana chiel ua, tu in Kangrai, North Tripura mun khu i Mission Headquarter hing hita hi.

“Mangpa Jesu uplouna mun zousie khu Gawtmun ahia, Mangpa Jesu upna mun zousie khu Vangam ahi” - **William Barclay**.

MELC MISSIONARY TE LEH A UMNA MUNTE UH

KANGRAI:

- | | |
|--------------------------|--------------------|
| i) Mr. Manglianlam | – Field In charge. |
| ii) Mr. Pitha Ram Reang | – Missionary |
| iii) Elder Daharam Reang | – Missionary |

DANGAPARA:

- | | |
|--------------------------|--------------|
| i) Mr. Haugoulal | – Missionary |
| ii) Elder Lilendra Reang | – Missionary |

COLONYPARA:

- | | |
|------------------------|--------------|
| i) Mr. Jangkholen Mate | – Missionary |
|------------------------|--------------|

LUTHERAN PUBLIC SCHOOL, KANGRAI – MISSIONARY SANGSYETE:

- | | |
|-----------------------------|----------------------|
| i) Mr. P. Dongminthang | – Headmaster |
| ii) Mr. James Kaikhogin | – Missionary Teacher |
| iii) Mr. Thonggoulen | – Missionary Teacher |
| iv) Mr. Nongsakrai Reang | – Missionary Teacher |
| v) Mr. Lamenjoy Reang | – Missionary Teacher |
| vi) Miss Jubilee Reang | – Missionary Teacher |
| vii) Miss Rongsamaiti Reang | – Missionary Teacher |
| viii) Mrs. Laxmita Reang | – Missionary Teacher |
| ix) Mrs. Saijonti Reang | – Caretaker |

VARANASI, UTTAR PRADESH MISSIONARIES:

- | | |
|-----------------------------|--------------------|
| i) Mr. Surya Prakash Gautam | – Field In charge. |
|-----------------------------|--------------------|

“Ngaituona panglou a zil (learn) khu gimthuohna ahia, zilna panglou a ngaituona khu manthaina ahi” - Confucius.

- ii) Mr. Shyamnarayan Pyare – Missionary
- iii) Mrs. Saroj Kumari – Missionary
- iv) Miss Rinu Jyoti Kumari – Missionary
- v) Miss Pooja Kumari – Missionary

MANIPUR MISSION FIELD:

- i) Miss Mercy Neitham – Missionary,
Gospel for India (GFI)
- ii) Evan. Ginminlun Tawtah – Missionary, Lamka
Area Relief Camps

Pasian in ma hing puitou zel in mailam sawtlou in India Church Growth Mission (ICGM), Chennai leh National Missionary Society of India (NMSI), Chennai tungtawn in Church of South India (CSI) te toh zong Mission Field Tripura leh Varanasi Mission Field ah Partnership in Pasian nasep hing um thei ding in ka gingta hi. Mission Field te a ding in theitop in pan la semsem vai.

Lungdam ing.

MISSION SUNDAY:

MISSION ICHI BANG E?

Pastor Dr M. Thangboi Zou

Thumapui: Tu Ha (July) pen MELC Calendar ah “Mission Sunday” chi a tuong a, tua toh kiton in “Mission toh kisai” laibu tuomtuom apat kaikhawm in anuoi ah mawltah in sutkhawm vai, chin ka hing kisah hi.



“Damdawi (medicine) thei tamte ziehin ka shi loh hi” -
Alexander the Great.

Mission kichi thumal khu **Latin** haam in “Mitto or Mittere” apat hing kilakhie ahia, **Grik** haam in “Apostello” toh kibang ahi. A khietna ahileh “Sawl” (sent) china ahi. Mission ki china in, “Pasian in atakhietsa mite zanga Khrist vanga mihingte toh kikal a Lemna bawl dia nasep khu ahi” akichi hi. **John Stoot** in, “Mission kichi khu Vannuoi a sawl (sent) a umte toh peikhawm a hattuum in abawl zousie khu ahi” achi hi. Taleh **Emil Brunner** in, “Mission nasep na zal a hattuum hing thei ahidan” agen hi.

Khristian Mission: Khristian Mission ichi khu, “Leitung pumpi a pei a sil siem chinteng kunga khantanhoi tangkou ding” (Mt. 28: 19, Mk. 16: 15, Lk. 24: 47) chi ahi. **Gendan tuom** khat ah, “Pasian lungtup Jesu Khrist a kiphuong doh mihingten pan ala theina ahi” achi hi. Tualeh **Sawltah Paul** in, “Nang na genlou leh abang chi ja ding uai, a ja

lou uleh bang chin agingta ding uai?” chin (Rom 10: 14) ah gen hi.

Jesu Mission: Mangpa Jesu mission ahileh, “Van a Pa (Pasian) deilam akibawl bang a, leitung a Pa deilam akibawl ding” (Mt. 6: 10) chi khu ahi. Tualeh, “Jesu Khrist khu lemna bawlpa leh hundampa ahina thu igiin tatna uh theipitu a panna ahia, tualeh Pasian leh mihingte kichimatna kitansa zop kiana leh kiledohsah kina khu ahi” (Mt. 1: 21, 20: 28, Lu. 2: 11, 21: 28, Jn. 3: 17, 4: 42, Lk. 4: 45-50, Mk. 2: 9). Ama mission khu, Jesu Khrist a bukimna mihing ten aphuondoh na khu ahi.

Pasian mizatten Mission agendan uh: **Margull** in, “Mission kichi khu gam dang a hattuum um nailou, Jesu Khrist min zong kigen kha nailou mite lah a khantanhoi genza/ tangkou khu ahi” achi hi. Tualeh **Dr Saphyal** in, “Mission kichi khu midang hinkhuo a mopuona khat nei ihi” chin agen hi. **M.M. Thomas** in,

“Lawchinna apat kibawlhohi Sangin, lawsapna a kipan kibawl tha abeilam zotham hi” – **Micheal Eistem**.

“Mission kichi khu mihingte tahsalam hamsatna tuomtuom akipat a hinkhuo uh akiledoh nadia nasep khu ahi” achi hi. **Hoedemaker** in mission toh kisai angaidan agenna ah, “Miision kichi khu Pasian a Mithum (Trinity) te nasep ahia, Hattuum in tam nasepna ah pan theina, hamphatna inei uhi. Mission ichi khu Pasian lungtang akipat hing kipankhie ahia, Pasian khu itna vang a sawldohna nasep bulpi khu ahi” chin agen hi. Tualeh **David Bosch** in, “Tukhang a Mission khu hattuum mission hilou, Pasian nna ahi” achihi. World Missionary Conference Edinburg (1910) in, “Missionary nasep tup-le-ngim khu sakhuo (biehna) dangte kunga khantanhoi genpi dig ahi” chin akithukim uhi.

Mission neipa Pasian hinanleh Ama thakhel a tam Mission nasem dia gingtute khu Pasian in ngansiena/ mopuona ang pieh ahidan theichiet ding ahi. Hattuum mission khu Pasian

leenggam masawNsah ding leh suhlat ding khu tunia eite mopuohna ahi hi.

Akhupsitna: Mission toh kisai thubul, a tup-le-ngim, Khristian mission, Jesu Khrist mission leh Pasian mizatte gendan isimta ua, ahileh tam Article simtuten “Mission” bangchin na koi sawm uoi? Awleh mission ngaisah lou a anasep lam pibawl sawm hizaw na mah? “Singphung a zung adetlouleh huipi, guopi ang zut chia, huipi ang lan chia aki phungkal bangin, Mission tup-le-ngim theilou anasep ipibawl zaw chiengun khantouna Sangin kiet ngeimna tunzaw ahi”, tuazieh in mission tup-le-ngim thei chien masa vai in, tuazaw chieng in mission nasep lam ah pan lachiet lei, khantouna leh pichinna hing tun ding hi. Pasian in MELC te Mission tup-le-ngim thei a mission nasepna lam a pan latha chiet din, simtu zousie hing guolzawl chiet taken, chi ka thumna ahi hi.

“Kheistianten, Pasian ka it achi ua, Pasian thu amang sih uhi. Kei hing deilou dan in kigen nan u’leh, ka thu aman uh lamdang ka sah mam hi, chin Setan in agen hi” - **Pastor E.A. Adeboye.**

MISSION SUNDAY

Pastor Douchinlal, Local Pastor ELCB

Thumapui: Amasanpen in i Gospel Tangkou deithotah mai uh simtute zousie na unpi un i Mangpa Jesu Khrist min in kang nousiet hi. Tualeh “**Mission Sunday**” toh kisai a tam i Tangkou tungtawn a houlim theina dinga hun hoi leh hun manpha hing pie Mangpa Jesu Khrist in ilah uah thupina leh patawina zousie hing tang taken.

Mission Sunday, kum khat a thawkiani khat vei izatzel pen uh tup leh ngim thupipen keima ngaidan in Hattuum mite zousie Missionary nasepna lam a pan hatsem sem a ilah theina ding uleh, mimal hinkhuo a Pasian kunga, Ama nasem dinga atha a iki-ap tha kia zelzel na ding uh deina a izat zel uh hi dingin ka ging tahi. Tuaban ah, tami nia thawlawmte leh thumnate Missionaryte a ding leh Mission field a dingin i uang bawl deu ni uh zong ahi. Tam banga Mission Sunday izatzel laiin alawching thei semsem na dingin ngaidan nei zong tampi ium kha ding uhi.

Tahsa leh Hagaulam a khanglam not a izat uh anai mah? ahilou leh kiamlam not a izat uh amah? chite zong ngaitua zel poimaw mama hi. Tuazieh in keiman alawh ching thei sem na ding deina in tamlou tam Tangkou tung tawn in hing kum vang.

Khatna ah: Mission Sunday alawching semsem theina dingin eima Hagau hinkhuo chiet kivel tha va ui. **2 Kor. 13: 5**, Paul in tam laisiengthou bung leh tang ah ana genbang in, ginna ah I um chietna uh amah eima leh eima ki enchien tha kia va ui. Mission Sunday nia kikhom a, thawlawm tampipi va pia

“Midihattatte thakhat thu in ahausu pei sih uhi” - **Greek Thupil.**

mai khu Mangpa kipahna ana hikimlou thei hi, silpieh zousie Mangpa kipah dingin zong mo ngaituah sih va ui, Mangpa pen ipieh sum leh pai sangin ,apetute nisim hinkhuo mangdan leh i piehkhawm uh sum leh paite kipatna leh imudante uah lunglut mama a zong hing enchien mama ahi. Mangpa Pasian toh eima kilem loupi a zong hattuom a pan napia lathei veve ahi. Tu Kum thupi zong gel doh vaui in eima leh eima kivel tha chiet va ui, Van a kibawl bang a tam leitung a bawl ding a gingtu min puo ihiman un.

Nina ah: Mission Sunday lawching semsem na dingin eima mimal dangtanate entha kia va ui. 1Pet. 2: 2, tam laisiengthou bung leh tang in agen ma bangin naungeh suothate bangin hundamna lam a i khangtou theina ding un Hagau noitui sieng ilunggul na uh amah? Tunia nang ma hinkhuo a na lunggul thupipen bang ahiei?na lunggul thupipen

khu na hung mapuitu hi ngei ding ahi. Tuni in igam uh sa leh gaal lah a um ihi uoh Paul in, **Rom 13: 11** na lam ah ana gen mabangin, koima hung hillou in zong iumdan uleh idinmun uh ithei chiet uh uhi. Hundamna ni lah igen chilai Sangin hung nai zawdeu ta ahi man in, i nisim hinkhuo uoh imutna munte uoh pat thou kia a, Mangpa mai ah iki tulut thakia ding uh khu akul leh apoimo mama ah. I lunggul ding pentah uh lunggul khalou a gingtu minpuo maimai hi kha ding beilam mama ana hi ahi. Gingtu tampi zong tuabang hin khuo zanga nguitah leh basamtah a ahagau hinkhuo zang uhi.

Pasian in lunggul dinga ang dei pentah khu ,Ama thutah tuabang lunggul na eima a hung gaa khie ding khu Mission nasepna lungtang nei a kiphal tah a tha leh zung , sum leh pai, nei-le-lam itlou a septhei nakhu ahi.Tuazieh in angaituoh thei ding leh asem thei ding

“Gawtna zau zieh mai akisiana sangin, Pasian in khelna huoh ahidan theina apan tawpsan tup abeilam zaw hi” - Spring.

dinmun a um nang ma leh nang ma naki thei leh Pasian in hun hungpie nalai ahi chi manghillou in tu mama in na hagau hinkhuo siemtha kia dingin thumna toh kipan in na vai gei kha ding hi.

Thumna ah: Mission Sunday lawching thei semsem na dingin Mission nasep khu Pasian thuman na ahi chi atha in phoh tha kia vai. **Mak 16: 15.** Tamnah Mangpa Jesu'n, leitung pumpi a pei unlen silsiem chinteng kungah Khantanhoi gen un, tami mun a Mangpa'n nuazuite kunga, athupieh khu nang leh kei kunga zong angpie ahi a,gingtu minpuohzousie in tammi suhbuching na ding a mawpuohna lientah kinei chiet ahi.

"Tami pen ut zie a sep a, utlou hun chieng a selpou ding ahi sih a, sep suoh teitei ding a thupieh ahi" chie **Hudson Tailor** in ana gen ma bangin Mission Sunday izat uh toh kitonin, Mission nasepna lam a tukum sungin kei leh ka

innkuon ten bangchin pan kala uoi ,tuni tan in bangchin ka sem uai chite eima mimal a kingaituo chiet va ui. Thaw tam nakisa amah?ahisihleh thaw tom naki sa ei?nei leh lam sum leh pai na thaw zoulou ta inzong mizousie i pangthei na ding uh athupi pen thumna in imissionaryte uh leh mission fieldte uh alawhching sem nading uh leh adamna ding un phoh zing va ui.

Lina ah: Mission Sunday lawching semsem na dingin Mission nasep khu Mangpa hung hepina,athuh kiana nasep ahi chi phoh tha kia vai.

Eiten ama thupieh izui zieh uoh aman ang it ahi sih a, hinanleh aman ang it na zaal a ama thupieh izui thei uh ahi zaw hi. Tami ahi a hepina mi kingaingiemte kunga theisah a um leh mi kiliensahte apan kiseel, St. Augustine.

John 3: 16. Tam bung leh tang in Mangpan leitung mite a it seeng seng a a Tapa tang

"Leitung pumpi guolzawl na piehna dinga Pasian lemgelna ahi" - **John Hagee.**

khat nei sun ang pie, koipou Ama gingta in mangthat lou a kumtawn hinna anei zawhna dingin. Tam bang itna thupha athei a gingta ei gingtuten a itna ile thuh theina thupi pen khu a za nailoute leh a gingta nailoute kunga Mangpa hoina leh hepina tangkoupi ding khu, i mawhpuo na lienpen uh ahi. Mangpan a siemsa mihingte hagau khat zong amangthang ding phallou hi. **1Tim. 2: 4**, Aman mi zousie hundam a um ding leh thutah thei dingin adei hi. Tam laisiengthou a imu bangin midangte kunga hundamna thupha gen khu i Mangpa kipah na leh adeilam ahi chi atha in thei vai. Tamte zousie zong eima hoina leh chitna vang hilou in ama hepina vang ahi,chie atung a st.Augustine thu gen italat bang un. Tuazieh in nang leh kei mi hampaha ihidan thei in tangthupha phuonza na lam nasep leh bawl ah napitah in pan latha kia vai. Ning kum a sanga kalsuon tamzaw ding, pieh tamzaw dingin, tua hileh mission Sunday piching sem

van Missionary nasep na zong lawching semsem ding hi.

Akhupsitna: Mission Sunday maban a lawching sem sem ding deina a ihoulimna un atup leh a ngim thupipen ahileh milip in Pasian ngaisah henlen mimal hinkhuo chiet uoh amasapen in koi thei chiet lei khangtou ding leh lawching sem ding china ahi, aziehpén tulai gintu atam zawte i Pasian i gin pa uh deilam ngaituoh na ding hun neilou khop in leitung sil te a i hunte uh izang beizel uoh ,ni poimaw zousia thupi tah a zat ding kikhop hun chienga kikhop le gingu hoi mama kisah kha kitam mama hi, gingtuten i theizing ding uh leh imanghil ngailou ding uh ahileh, i Mangpa pen Biehinna sunga i hinkhuo sangin Biehinna polam hinkhuo ah na lung mama ana hizo hi chi thei chiet vai. Mangpan simtute zousie guol hung zawl pie taken, kipah ing.

“Lawchinna tan khu tepi ding umlou a kipahna ahi a, hinanleh, lawchinna man pia khel a hamsa umlou hi” - **Adon Miller**

HAITHA PAWI

GA MASA PAWI

Tangtel: “Tualeh lou a na tu, na sepgimna ga masa pente, bulah pawl na bawl ding ahi; tualeh kumtawp chieng a, na bulahte inn a na hing khum zou chiengin pawltah pawl na bawl ding hi” (Pawtdohna 23: 16).

Tu hun a leitung pumpi a Khristiante in i buoipi mama uh thu khat aum hi, tua khu Prosperity gospel, prosperity preaching khu ahi hi. **Prosperity Gospel** tangkoupi ten, “guolzawl na bou tangkoupi in, hausatna ding, minthanna ding, lawchinna ding, kai sangna ding, chidamna ding leh adang dang” mu nadin Pasian bieh uhi. A tahtah in guolzawl na adeilou koima ki umlou ding ahi. Ahi vang in Bible in “guolzawl na” mu nading bou ana gen sih a, sep ding, bawl ding, zui ding, thuoh ding na ngawn zong ana gen hi. Pasian kammal (Bible) akipat thu dang zousie nilkhie (paikhie) a “guolzawl na” chouchou agente khu ei Conservative, Orthodox ginna tukip Evangelical pawl in kipom lou in, ginna peikhie khat in akipom hi.

Tam bang gindan dihloute apat ikiven ua kal isun kawmkawm un, guolzawl na muna ding Bible sung ah um veve ahi man in, Bible bu 66 apom ei Evangelical hattuomte in zong guolzawl na muna din Bible tang hing kipete avangkim a i tangkou pi ding uh

apويمaw hi. Haitha pawl pen guolzawl na tangkouna ding a Pasian in hing pieh hun hoi ahi hi.

Pasian in Israel mite adingin pawl lien 7 ana pieh hi, tuate khu:

“Mihing lungsim sungah Pasian khu Leeng a apan leh ama khu Pasian leenggam khu a ding pan tahi”- **Paul H. Harrison.**

PAWI MIN JUDA HAAM

MANG HAAM

1. Pasion Pawi	Pesach	Passover
2. Tol solou Pawi	Chag Hamotzi	Feast of Unleavened Bread.
3. Haitha Pawi	Reshit Katzir	Feast of First Fruits
4. Pawlta Pawi (Kut)	Reshit Katzir	Feast of First Fruits
5. Pengkul mut Pawi	Yom Teruah	Feast of Trumpet
6. Khiei thupha tawi Pawi	Yom Kippur	Day of Atonement
7. Buh Pawi	Sukkot	Feast of Tabernacles.

Tamna Pawi ten amin khietna anei chiet a, a sepkhiet sil lamdangte vang a Pasion patawina leh kipah thugenna hun ahi man in, tam Pawite na khaam chiengin Pasion kipah ahiman in mailam ah thupha muna ding kot kihonna suo thei hi. Thugen siem **John Hagee** in Pawite khu, *“Leitung pumpi guolzawl na piehna dinga Pasion lemgelna ahi”* achi hi.

Tamna Jew/ Juda mite Pawi 7telah akipat in ei Khristiante in Reshit Katzir (Haitha Pawi) bou akizatpi hing suo hi. **Pentecost Ni** inei vang un Juda mite Pawlta Pawi zatpina hivot lou hi. Judate Pawi (Shavuot/Pentecost) ni a hing kisungbuo Hagau Siengthou thei zingna ahizaw manin thu tuompi hing suo

hi. Haitha Pawi khu Judate leh Khristiante’n izatni leh akizatna san (azieh) akibat lou vangin, izatkhawm Pawi lien khat ahi manin a thupi mama paw i khat ahi hi.

A tahtah in *“Haitha”* ichi pen uh dihlou hi. Haitha Pawi ichi sang un Ga masa Pawi (Feast of first fruit) chilei adih zaw hi, Pasion deidan zong napin agenzaw hi. Pasion in *“a tha”* chieng bou adei sih a, ga masa (first fruit) adei ahi hi. Annte, louga, thei (fruits) bu leh baal apat ga masa bou hilou in, sep leh bawl, sum leh pai zousie a masa (first) pen ah kei na Pasion ah hing pieh un, tualeh noute kang guolzawl ding hi, chi a Mangpa hing thuchiemna Pawi *“Ga masa paw i”* ahi hi.

Bible a Ga masa:

“Pasion leenggam khu hepina ahia, tawpni anei sih” - **Henry W. Dubois.**

Ga masa die Pasian in Israel mite tung ah, “*Naubu hong masa pouma leh na ganta lah ah pieng masapen zousie, Mangpa a ding a na koi tuom ding ahi*” (Pawt. 13: 12) chi in mihing, ganhing tachil, ta masa a phut hi.

Siempudan laibu **bung 11** na sung ah, gamsa asieng leh asienglou ana khen hi. Ganta tachil zousie Pasian a ahi man in, a sieng ganta (Belam, Kel, Bawng, Vakhu leh adang dang) tachil zousie biehna ah akipia a, a sienglou ganta (Voh, Sakol, Sabiltung (donkey) leh adang dang) tachil zousie a ngawng hiatan (Pawt. 13: 13) in a kithat hi. Pasian a ahiman in mihing in tang theilou ding china ahi. Gan neite in a sienglou ganta tachil a khoi nuom leh a sieng ganta khat toh a tan thei hi. Tua ma bang in mihing tachil pasal zousie zong kitan thei hi (Pawt. 13: 15).

Siempudan laibu bung 1 sung ah Pasian in tachil tatna ding a sieng ganta nam 5 na gen hi, tuate khu Belam, Kel, Bawng, Vakhu leh Vapal (pigeon)

ahi hi. A haute Belam, Kel leh Bawng toh akitan thei a, azawngte Vakhu leh Vapal toh akitan thei hi. Tam Bible tang Mangpa Jesu’n zui in a nu leh pan Vakhu leh Vapal toh ana tankhie uhi (Lk. 2: 23-24).

Kol. 1: 18.b ah Sawltah Paul in Mangpa Jesu khu, “*mi shite lah a pieng masa pen ahi*” na chi hi. Pasian Tapa, a masa pen, ga masa hi a, mawnei mihingte tatna ding in hing pieng hi. Tua ahiman in “*Ga masa*” a pekhie masa pen khu Pasian ahi hi.

Israelte saltanna Egypt akipan Kanaan gam hing lut ding uh chieng in Kanaan gam sung ah khopi amai tua masa pen u’khu Jerikou khopi ahi hi. Khopi masa pen (ga masa) ahi man in, khopi sung a um zousie Pasian a ahi a, Akan in Pasian neisa (ga masa) a gusah kha ahi man in a innkuon uh shi loh uhi, chin Bible siemten agen uhi.

Pasian in Abel maitam dawng in, Kain maitam dawng lou

“*Tua leenggam a na lut nuom a, nna nasep nuom a, na hinna na tunsah nuom leh silhoi khat na bawl ding aum hi. Tua khu Ama (Jesu) na gingtat masat ding ahi*” - **John Ruskin.**

hi. Aziehpen, Abel in Belam ta masa atui tuapen alan a, Kain in vang lei apat pieng lei ga Pasion kung ah pia chi lel hi. Abel in a belam hon akipat “*tachil*” maitam adia apieh na ah Pasion lungkim sah hi.

Guolzawlna zawi:

Guolzawlna mu na ding a kalsuonna a masapen khu “*ga masa*” Pasion adia latna khu ahi. Guolzawlna i tan nuom leh i hakat ding a thu masa pen ahi. Pasion in mi zousie tung ah ni khat in naikal 24 hing pechiet hi. Zingmawng i tho a i bawl/ thei masapen bang chi bang in i zang ei? Tuami khu Ga masa ahi pai hi.

Nipi kal khat sung a ni masa pen Nipini (Sunday) ahi hi. Ni 7 sung ah “*ga masa*” ni na bang chi zat ei? Ni 6 sung Mangpa’n guolzawlna a hing pieh theina ding in “*ga masa*” ding a i pieh thei ni ahi hi.

A tam a tawm thu tuom, na musa Sum leh paite akipat ga masa na pia ei? Sawm a khat (tithe) khu Pasion in “*Keima neisa ah*” achi hi (Mala. 3: 10).

Gentenan: Sum Rs 100/- note na khut a na tawi pen Rs 100/- neipa na hi sih a, Rs 90/- neipa na hi zaw hi. Rs 10/- pen Pasion in “*Kei a ahi*” achi hi. Sil khat pou pou leina ding a na sum na zat masang in Pasion neisa Ama tung ah “*ga masa*” na pe nai mah?

Huon sung a mehga, thei ga khu a tha (new) chieng bou Pasion in dei lou in, ga masa pen a dei Pasion ahi zaw hi. Lou leh huon neiloute in zong i sep i bawl na chiet ua kipat ga masa i pieh thei um chiet hi.

Pasion khu a kammal tung ah a dingkip a, a zuou ngeilou Pasion ahi hi. Ga masa piana pan a guolzawl na i mu theina ding a Pasion hing thuchiem “*Guolzawl na zawi*” ahi hi. Ga masa pieh ngitngetna toh guolzawl na tampi i mu theina ding un panla chiet vai.

Source: Pro Pastor Kap Siam Thang, “*Khaithak Pawi; Gah masa paw*”. Edited by Rev N. Pau Sian lal, **Lungdamna Aw, July & August 2024 Issue**. Pages 9-11 akipat kang lekhiat ahi by Managing Editor.

“*Buoina tuom tuom vang ka nei na a, hinanleh zong kiginmohna leh zauthawngna in ka um vawtsih. Tahsa lam leh khovel sim ah ka buoi a, hundamna thu a vang ka buoi sih*” – **James**.

SERIAL-5

INNKUON A THUPIDAN

Bible Tangtel: "...Ka innsung ah lungtang hoibukim puoin ka um ding hi" (Late 101:2b. cf. Paunate 11:29).

Leitura ah innkuon abawl masapen khu Pasian ahi (Siem. L2:21-23). Numei leh pasal akiten chiengin nupa aki chi a, tua nupate khu Innkuon kichi kia leuleu hi. Mangpa Jesu'n leitung a alenlai in "*Innkuon/ Innsung thu*" ngaikho mama ahiman in, damlou tampi asuhdam chiengin "*Na inn uah peikia in*" chin asawl teitei hi. Mangpa Jesu'n, Garasin mi dawimatpa asuhdam lai in, tuapa kungah, "*Na inn ah na lawmte kung ah pei inlen, Mangpa'n nanga dinga sil thupi ahing bawlpieh dante leh nang ahing hepi dante va hil in*" (Mak 5: 19) chin asawl hi. **Bangzieh adiei?** ichileh, ilungkham hun chienga ahing lungkhampi pente leh ikipah hun hing kipahpi pen te khu i innsung mite ahiman ahizaw hi. Mangpa Jesu'n zong innkuon ngaikho mama ahiman in leitung ahin sung (Kum 33 leh akim) pen Kum 30 sung khu a innsung ah azang bei a, Kum 3 leh akim pen Mang nna sepna'n azang giep hi. Leitung a silpieng zousie khu Innsung akipan ngen ahi. Innkuong sung ahoileh hattuom sung, kho sung leh Nam sung ahoisa ahi a, hinanleh innkuon sung akisiet leh sil zousie ase sa ahi hi.

INN ZAT DING DAN:

Inn pen Hotel dan azat ding hilou in, giehna umna mun a zat ding ahi hi. Kholai vahat ten thusie hingmu in innsung ah hingpolut un,

tuamin innsung ah buoina tampi apiengsah hi. Inn ichipen kihau na ding, kisel na ding mun hilou in, ki itna mun, kithutuana mun ding ahizaw hi. Inn ichipen

"Khantanhoi mawltah a get ding, chi i gen utlou zieh un gingloute patau sah tham in khantanhoi i tahlang zou sih uh" - **J.H. LA Trobe.**

kihawmtho tuana mun ding hilou in, kideisahtuana mun ding ahizaw hi. Inn ichipen kiphawphaw na mun ding hilou in, kipahtawituana mun, vang kipietuana mun ding ahizaw hi. Mundang/ Midangte kunga ium chienga maitai tah a um in, innsung alut chienga maitai theilou/ lungthazing mikhun innsung ah buoina lienpi atun hi. Kholai dunga chiemnui siem mama hinapia, innsung atun chieng a lungtha/ maigum zing ding hilou, innsung mite toh nuikhawm theina ding thu-le-la genkhetu ihizaw ding ahi hi.

Innkuon sunga thupidan mipilte thugen anuoi a tamlou gen in ikhupsit ding hi. Mipilte thugente ahileh:

1. **Dr. Dehoam** in, *“Innsung nuom ichipen tate a dingin Paradise ahi a, Nute adia Kumpinu ahi na mun ahia, Pate dia Kumpipa vaihawmna mun ahi”* chin agen hi.
2. **Dr. Billy Graham** in, *“Innsung nuom ichipen*

Gitta (Vatou) te na ngawn in zong nuom asah namun ahi” chin agen hi.

3. **Dr. Edmund** in, *“Leitung a guolzawna dingin athupipen, Innsung nuom pen ahi”* chin agen hi.
4. **Ellen G. White** in, *“Innpen tate a dingin ngaituona kipatna mun, kikhawlana mun, guolzawna kipat khietna mun ahi ding, Nute in tate pen siahup (Magnet) bangin ahup namun hi ding ahi”* chin agen hi.

Khanglai tampi Thongtangte thu akidot chiengin anuoi abang in adawng zel uhi. Tuata ahileh:

- 1) Innsung miten ahing muonlouna zieh a thangpaina vang chi uhi. Tate pen mounding in etkai ding ahi uhi.
- 2) Phatna leh patawina mulouna vang ahi, na tate pen na innsung a na moh phopho lou ding in, na deisahdante itna toh

“Sil mansuo lahlah a a zauhuoi pen khu Pasian mansuo ahi” - **F.W. Norwood.**

hoitan hil lechin alampiel
vawt sih ding uhi.

- 3) Na tate ahi vangin,
alawm-le-guolte toh
aum khawm chiengin
moh phunsan san sin,
(alawm-le-guolte toh
aum khawm chiengun
deisahman chia moh
hilhil, moh phopho
lou ding ahi, aziehpén
aguolte lah a azum seng
man un na thugente
zuilou in thangpai zaw
ding uhi), ta pilvang
louten na thuhilna pen
lasiem lou in thangpai
loh a sietlaw kha thei uhi.

Innsung khu na ki etkawl
dan ua pan hing khangkhe
ding ahi a, tua ahileh “*Nou
innkuon bang chin na ki
enkawl uai?*” innsung hoi
ding dei ngen ihi lai un, tate
bang chin na pui ei? Tate
himan a alawm-le-guolte
masang a moh phopho na
in innsung siem hoilou in,
sietna kipatna tunzaw thei
ahileh, nang bangzat vei na
tate alawm-le-guolte toh
aum khawm chiengun na
taihil ei? Innsung nuom

hina din amasapen in Nu
leh Paten nasa tah a pan
ila uh angai ding hi, tua
chiloupi’n innsung ah zong
umman ngailou nuleh pa na
hileh bang chia na innsung
nuom thei ding e! Pasian
in innsung asiemkhietna
san khu “*Innsung mite
kitua dildiel a um khawm
a, Pasian thupina phuonza
ding*” chi adeipen ahilai
a, nang innsung buoina
tuntu na hileh, na tate,
na tuten nang hindan ah
ahing hin tou uleh, nang
vangin na khanggui uh
(innsung uh) hoina sangin
sietna khanggui ahizaw
dinga, nanleh tua nang
nasiemphat leh nang vangin
na innsung (khanggui) uh
Pasian patat innsung ahi
ding hi, Tel in, na telpen
pen na innsung mite hin
dingdan ahi, innsung nuom
siemkhe thei chietdin simtu
zousie Mangpa Pasian in
“*Innsung manphat dan
theisiem a innsung nuom
siemkhe thei din*” hing
guolzawl chiet taken, chi ka
thumna ahi hi.

“*Mangpa Jesu tanchin sanga theiding poimaw zaw ka nei
sih hi*”- **Andrew Munray.**

AW MANGPA, HING SIEMTHA KIA IN:

Wheaton College a Lamkai minthang, revival lam saitou pen a kigen Dr J. Edwin Orr in a sangnaupangte tamlou khat khu 1940 Kum in England gam ah sakhuo lam munpi gun khen khat etpi ding in apui a, Pasian Mizat minthang Methodist Hattuom ana phutdoh tu John Wesley in ana luona inn ah ava pui hi. Tuamun ah John Wesley damlai a nitampi sawtpipi khupdin a athumna carpet lui tah khat amu ua, a etzaw un akinuale kia uhi. Hinanleh, mi khat ana kim nonlou, chichuh apeisan nasa ua ava nualut (naupei) kia uleh Tangval khat John Wesley khupdinna mun ah ana khupdin in ana thum (pray) a, "*Aw Mangpa, hing siemtha kia in, keima ngel zong hing zang in*" chin ana thum pa pen Dr Orr in aliengkou ava tham a, pei hun ahita hi achin agen hi. Tua tangval pa thumna Pasian in adawng a, napin ahing zang a, tuni chieng dong a kigen min thang Dr Billy Graham khu ahi hi. Tu hun in zong tambang a zat thei ding Pasian in mi asui zing nalai hi.

Source: Muanna Aksi, February 2025 issue apat kang lekhiat ahi by Managing Editor

Simlei vai

US PRESIDENT A 47 NA PU DONALD TRUMP TANCHIN:

Tulaitah a leitung in a chiemtete lah a khat US President a 47 na Pu Donald Trum min tawn ahileh Donald John Trump ahi. Ama khu 14th June 1946 kum in New York khopi ah ana pieng hi. Fred Trump leh Mary Anne Trump ta nga lah ah ama khu a lina ahi. A pienna pa ahileh Real Estate business bawl mi ahi. 1968 kum in Whaton School, University of Pennsylvania nuoi ah BS, Economics subject ahing zou hi. 1971 kum in Trump family Real Estate a President ahing hipai hi.

"Jesu pienna, a hinkhuo, a nasep, a shina leh a thawkiana khu mihingte dia theidia poimaw tanchin khu ahi" - **Kenneth Scott Latourate.**

Donald John Trump in zi thum vei ana nei hi. Amasapen in Czechoslovakia te nungah Ivana Zelnickova toh 1977 kum in ana kiteng uhi. Ta thum anei zou un 1992 kum in kikhen uhi. Tuazou in American actor Marla Maples kichi nu toh 1993 kum in kiteng ua, tanu khat anei zou 1999 kum in ana kikhen kia uhi. A thumna din Slovianate model minthang khat Melania Knauss toh January 2005 kum in ana kiteng kia uhi. Amanu toh Tapa khat Barron anei ua, tuni Chieng dong kitenpi nalai hi (zi thum akipat in ta 5 nei uhi).

Donald John Trump khu 2017-2021 sung America (USA) President a 45 nadin teelching in aum hi. Tu kum 2025-2029 tan adin US President a 47 na din teelching in ahing um kia hi. American President mi khat in Kum Giet (8 yrs) sung pothei hi, Grover Cleveland (1885-89, 1983-97) chilou in Donald John Trump khu Term kizawm lou a President

Kum giel po a khatna hing hi ding hi. Trump khu Kum 78 ahi toh kitua in America President hilai te lah a kum tampen hi dinga chiemte ahi.

Donald Trump khu America tangthu a House of Representative te'n President hilai Impeached abawl te lah ua telpha ahi. America President Impeached kibawlte khu Andrew Johnson 1868, Bill Clinton 1998 leh Donald Trump 2019 & 2021 ahi uhi.

Donald Trump politics a alut masang in Business lawching tah mi khat ahi. Real estate, Hotel leh sil dangdang a sumkawlvei mi ahi. America a State tuomtuom a business bawl ahi. Ama minthanna te khu Trump Tower, Trump Manhattan resident (tua khu Trump Organization Headquarter zong ahi), Trump Plaza, Trump Parc Luxury Complex, Plaza Hotel, Trump Castle Casino Resort leh adang dang te ahi.

Donald Trump in Lai (Article) hun chin in ana giel a, tuate

“Vannuoi a mihing ten Mangpa Jesu adei sih ua, hinanleh a poimaw uh” - Dr. Earles Steven.

lah a minthang zaw deute khu Trump: The Art of the Deal (1987), Trump: Surviving at the Top (1990), The America We Deserve (2000), How to get Rich (2004), Crippled America: How to make America great Again (2015), Save America (2024) tam teng chilou adangte zong hun zil in ana giel hi.

Donald Trump business lawching tah a abawlzing lai in Politic lam ah ahing lunglut a, tuakhu 2015 kum in US President atet ut thu ahing Phuong khie a, ama umna Party Republican te'n President dingin Nominate ahing bawl uhi. 2016 kum

a President election ah **"Make Ameerica Great Again"** chi thupi a nei in, Democratic Party candidate Hilary Clinton khu ahing zou hi. 2020 President election ah Democrativ Party Candidate Jeo Biden ahing heng khe kia a, 2024 kum a election in phuba lana hi din Donald Trump in Jeo Biden khu ahing tetkhie kia hi.

Donald Trump in White House hi a a zveina dingin January 20, 2025 nia kipat loupi tah a ahing luokia tahi. Trump in White House ahing luo zieh a Khovel a Lemna ahing um dingin mipi kinepna ahi hi.

DIRECTORS' TEA:

Rev Suanboi Tungdim, DM/MELC

Nisim 26th May 2025 ni in Martin Luther Hall ah, Laisiengthou jil laiteng toh hun nuom khat akimang khawm a, Rev. Kamminthang DME in puitu hina ala a, Rev. Suonboi Tungdim DM in, vaidawn thugenna leh, **Directors Tea** apat khiet dan leh vaiguon tangpi umding dan houlim na anei a, tua zou in, Kipulahna ki nei in houlim khawmna pat ahi tahi.

"Khrist sisan bou in ang hundam a, a thumanna bou in ang kipahsah hi" - **D.L. Moody.**

Upa S. Zamkhanpau, Project Co-Ordinator MELC aman, Theological Calling leh Target, tup leh ngim nei ding houlim na tomkim anei a, The Rt. Rev. Khup Do Khen Bishop in, MELC maban ding, lamkai hing hi ding te hinkhuo ding leh nasep didan houlimna thumanpha tampi a gen jou in, Thumsahna leh Sangnaupangte Laibu man ding in panpina sum apie hi.

Tv. Dousuankhai, M. Div apat Sangnaupang lam te thakhel in kipah thugenna anei a, Kipah thugen na ah Rev. Suonboi Tungdim DM in, Student Book Grant hing bawlpi, MELC Finance Committee te leh Bishop kung ah kipahthu agen zou in Upa S Zamkhanpau in vaiguon khana leh niengtui latna thumna nei in vaiguon zaw ahi tahi. Tu leh tu a Sangnaupang ineite uleh a **College, Degree** te uh tam anuoi a bang ahi uhi:

MASTER OF THEOLOGY (*M. Th* in Missiology)

1. Mr Samuel Mangbiaklian S/o Rev Dr Ginthanmun of Ngulzen Veng. **College:** *Evangelical College of Theology* (2 yrs)

MASTER OF DIVINITY (*M. Div.*)

1. Mr Dousuankhai S/o Evan. D. Ginpu of Manniang Khuo. **College:** *Grace Bible College* (2 yrs).
2. Mr Mangkhanpau Tunnung S/o Upa T. Tunzagin of Kamdou Veng. **College:** *Grace Bible College* (2 yrs).
3. Mr Liansuanmung S/o Upa Gouneithang of M. Lunmual. **College:** *Grace Bible College* (1 yr).
4. Mr Benjamin Zamliansang S/o Rev. T. Ngilzakhup of Immanuel Khopi. **College:** *Grace Bible College* (1 yr).
5. Mr Joseph Thangsuanlian S/o Lunkhogen of Kamdou Veng. **College:** *Evangelical College of Theology* (*M. Div.*).
6. Mr T. Ginzamang S/o Upa Chinminlunlal of Sangaikot.

“Mite’n limmna leh kipahna suiin a innsung uh nuasie in munchin ah suisui nan u’lezong atawp ah, a innsung angtn tahtah chiengin kipahna tahtah amu giep ding uhi”- **George Moore.**

College: *Evangelical College of Theology* (1 yr).

7. M. Henry Lianzamu S/o Pa Chinsuanthang of Beulahlane.
College: *Evangelical College of Theology* (1 yr).

BACHELOR OF THEOLOGY (B.Th.)

1. Mr Mangchinlam Phiamphu, S/o Khamkhanhang of Immanuel Khopi, **College:** *Trinity College Sielmat* (1 yr).
2. Mr Thangmuanhau S/o Ginlianpau of M. Lunmual, **College:** *Grace Bible College* (1 yr).
3. Mr Dousomthang S/o Upa Khamzalam of Sehken. **College:** *Asian Baptist Bible College & Seminary* (3 yrs).

BACHELOR OF DIVINITY (B.D.)

1. Mr Hauminlal S/o Thangkhanlian of Singngat. **College:** *Trulock Theological Seminary* (1 yr).
2. Miss Nuambiahhoi (Lily) D/o Suanminthang of Immanuel Khopi. **College:** *Kerala Theological Seminary* (1 yr).
3. Mr Lalminthang S/o Upa Mangzakap of Tonjang. **College:** *Kerala Theological Seminary* (1 yr).
4. Mr P. Khenlunlal S/o Gouzakam of Allusingtam. **College:** *Gurukul Lutheran Theological College & Research Institute, Chennai* (2 yrs).
5. Mr Alex Sonlianhang S/o Dongminlal of Leitan. **College:** *Kerala Theological Seminary* (1 yr).
6. Mr Adam Ginlunlal Milun S/o Khamsuanlian of Sehken. **College:** *Allahabad Bible Seminary* (3 yrs).

Maban MELC Pawlpi Jesu Christ Hattuum sung a hing lamkai ding, Laisiengthou jil laite ding in thum na toh pang chiet vai.

“Na innsung ah kipah in, mundang a limna leh kipahna khu abukim sih a, innsung a limna leh kipahna bou khu sil loupe ahi”- **Samuel Johnson.**

MIHING HINKHO ATOM DAN

Sanhoi Pa

Leutung ah **Kum khat** in *mi 156 million* ten shina atua ua, **Ha Khat** in *mi 4.6 million* te ashi uhi. **Ni khat** in *mi 150, 000* te'n ashina atua ua, tualeh **Naikal khat** sungin *mi 6000* a shi hi. **Minutes khat** sungin *mi 106* ashi a, tualeh **Second khat** sungin *mi 2* ashi hi, chin misiemten asui khie uhi.

Bible in mihing hinkhuo toh agente te ahileh:

- i) "Tuimei bakhat a hing kilang a mangkia pai bang giep ahi" (Jak. 4:14).
- ii) "Gamla ah pahpe bang ahi" (Late 103:15).
- iii) "Lungkham buoina toh a kidim hi" (Job 14:1).
- iv) "Pahpe hing pahkhie a, vuoi gawp pai bang ahi" (Job 14: 2a).
- v) "Nihim bangin ataimanga, aumden sih hi" (Job 14: 2b).
- vi) "Siemgan mite khothei Sangin agang zaw hi" (Job 7:6).
- vii) "Hinna khu khatvei nahhuh abang giep hi" (Job 7:7).
- viii) "Ka nite lah mi taihat Sangin agang zaw hi" (Job 9:25).
- ix) "Ka damsung khutpeh chie bepin na siem hi" (Late 39:5).
- x) "Nahna hu hing nuakia nawnlou bang giep ahi" (Late 78:39).
- xi) "Tahsa zousie hampa bang ahi a, akilawmna zousie uh gamlah a pahpe bang giep ahi" (Isa 40:6, cf. 1Pet. 1: 24).

MI ZOUSIE IN SHINA TUACHIET DING AHI

- i) "ashi chiet ding ihi ua, tui leitunga kibosa luoh kia theilou



"Lampi zotlou a nualam en pumpum a lamzawt mi khu khatvei chie kipalpuo teitei ding ahi"- **Thupil khat.**

bang ihi uhi” (2 Sam. 14:14).

- ii) *“saguoh ma in akile kia ding”* (Thugenp. 5:15).
- iii) *“Leivui ahina banga a hing kipatna lei ah anuakia kia ding hi”* (Thugp. 12:7).
- iv) *“Bang teng hileh mihingte bangin na shi ding hi”* (Ps 82:7).
- v) *“guohtangin ka hing pienga, guohtang ma a kilekia ding ka hi”* (Job 1:21).

Bible in *“Mihing a dingin khatvei shi guotsa ahi, tuajou chiengin thukhenna aum ding hi”* (Hebrew 9:27). Tualeh *“Na thu in siem na tang dinga, tualeh na thu ma in siemaw tansah in na um ding hi”* (Matthew 12:37) chin agen hi. Tuazieh in Hinkhuo tomnou inei sungin, inasep silbawl ten Pasian masang ah siem ang tanna diei chi akikhel man kikhuol chien vai. **Bangzieh a tunitan a Pasian in damna Nang ahing pieh e?** Peter laihah sungah hichin adawnna akimu hi, *“koima manthai ding deilounain, mi zousie kisia ding adei ziehin eima lam a dawzou ahi zaw hi”* (2 Pet. 3: 9) chin agen hi. Tuazieh in, leitung khelna zousie paikhie in Pasian belchiet din ikingen zaw uhi.

Shina in koima akhen tuom anei sih a, apil pen zong, ahausapen zong, amawlpn leh azawngpen zong khen neilou in ang tunkhum leh mihing lai mishi na suo ding a, na damlai pet a Pasian na ngaisah lou leh piengtha manlou na hileh nangma deitelna toh kumtawn shina **GAWTMUN MEIDIL** khu na maban ahi, tuazieh in **Guolnei Isai** in *“Mubei a aumlai pet in Mangpa khu sui unlen, anailai pet in han un”* (55: 6), **Sawltah Paul** in, *“Tukhu hun kipah um ahia, tukhu hundamna ni ahi”* (2 Kor. 6: 2) chin agen uhi.

Mihing hinkhuo atomdan theisiem a, manphatah a zangthei chiet din simtu zousie Mangpa Pasian in hing guolzawl chiet taken.

“Mission kichi khu Vannuoi a sawl (sent) a umte toh peikhawm a hattuum in abawl zousie khu ahi” - **John Stoot.**

MELC INNSUNG THU

1. TRIPURA MISION FIELD TEN VBS BAWL:



Apeisa Dated 30-31st May 2025 hun sung in Tripura Mission field ten “*Vocational Bible School*” nei thei uhi. Tua nah **Resource person** in **Dorson Joy Reang** apang a, aman Naupangte mi 137 te kung ah Pasian thu leh la zilpi in ahil hi. Tua leh activities tuom tuom conduct na zong ahing nei pi hi. Naupang ten tahsa leh hagaulam ah phattuomna tampi a nga uhi. Tualeh Prize hawmna zong nei in, tualeh kipahna etsah na din annkuang imkhawmna zong anei ua, kipahtah leh khela tah in hun zou sieng uhi.

2. LED IN “WORKSHOP” NEI:



“Mission nasep na zal a hattuom hing thei ahidan”- **Emil Brunner.**

Apeisa Date 29-30th May 2025 in LED saina in Division Headquarter Simveng MELC mun ah **Workshop** anei ua, tuana Division akipat mi 69 pei khawm uhi. Tam Workshop khu Session 2 a khen in zang uhi. **Resources person** in (i) Retd Rev Dr Hangmimthang, **Topic:** *Evangelical Doctrine* (ii) Retd Rev Thangliankham, **Topic:** *Gindan tuomtuomte*. Tam Vaiguon khu Pastor Dr M Thangboi Zou, Biel Pastor in a honna nei in, Nuomthu genna Upa Tunzagin, Chairman LED azang a, tualeh Upa Dongzalian, Secretary leh Upa Nengmang, V/Chairman LED ten Resource person te silpieh piehna anei zawh un Workshop khahna zong Biel Pastor nei in, nuom leh taitah in zou sieng uhi.

3. BISHOP LEH DM&E TEN ICGM MISSIONARY TRAINING VA UAP:

Apeisa date 2 June apat 6 June, 2025 sung in Lefunga Synod Church, Agartala, Tripura mun a India Church Growth Mission (ICGM) te saina na nuai a Missionary Training vaiguan va uap dingin MELC Zumpi akipat Bishop, Director



of Mission & Evangelism ten zong tam vaiguon va uap thei ua, tuanah um hi, Kangrai Mission Field apat in ei Missionary 3 toh Missionary Sangsye 5 zong vapang thei uhi.

Tami vaiguan ah ICGM ten Missionary te hasot thu tampi khat gen na nei ua ei Bishop in thugenna vanei hi. Tualeh ICGM lamkaite **Zou Mufel** ohsah na zong vaki nei thei hi. Tualeh

“Mission kichi khu gam dang a hattuum um nailou, Jesu Khrist min zong kigen kha nailou mite lah a khantanhoi genza/ tangkou khu ahi”- Margull.

mailam hun a ICGM te toh “*Memorandum of Understanding*” (MoU) Sign a Pasian nna semkhom ding in kithukim na zong akinei thei hi.

4. TEACHERS REFRESHER TRAINING & COMMUNITY EDUCATION AWARENESS:



Apeisa Date 7th & 8th June 2025 sungteng Kangrai Mission field a Bishop, Director of Mission & Evangelism leh Pa Mangchinkhup Project i/c FLOM leh Pa Ginminlun Community Mobilizer, SLEP in Lutheran Public School, Kangrai a Sangsyete ading in “*One day Teachers' Refresher Training*” va nei uhi. Tami program a **Resource person** in **Bishop leh Pa Mangchinkhup** apang uhi. **Bishop** in Thupi: “*Role of a teacher leh Teaching method*” ala a, tualeh **Pa Mangchinkhup** in thupi: “*Classroom environment leh Child Psychology*” ala hi.

Tualeh Date 7th June, 2025 ni in Bishop pa in Sangsyete nu le pate ading in “*Community Education Awareness*” neipi hi. Sunday zan in Director of Mission & Evangelism (DM&E) in Mangpa Nitah Ann (Sacrament) hawm na nei in, Pasian zalin lawchingtah in vaiguon va zang thei uhi.

“*Mission kichi khu midang hinkhuo a mopuona khat nei ihi*”-
Dr Saphyal.

5. HQ CHURCH, ZOMI COLONY TEN ELWA “HUNDAMNA CAMP” NEI UH:



Apeisa Date 10th to 13th June sung teng HQ Church, Zomi Colony MELC Inn tena toh “*Nute Hundamna Camp*” vaiguon zang uhi. **Thupi:** “*Lunghei dinga Hatna*” (Hosia 6: 1), pansan in Pasian thugen na Nu Niangzaman anei hi.

Tam vaiguon khu Date 10th June zan in, Pastor Thangkhongam, Local Pastor Hq. Church in ahonna anei a, Camper mi 38 apha hi. Tualeh Date 13th June, zan in Camp khahna hun zat ahia, tuanah Kipah silpieh na Upa Ginkhankhup, Local Chairman in anei zaw in Camp khahna Rev Dr S. K. Manlun, DS/LWD in nei in, Pasian zal in lawchingtah in zousieng uhi.

6. MELC IMMANUEL KHOPI TEN “CRUSADE-cum-REVIVAL” NEI:

Apeisa nisim 12th – 15th June 2025 sung teng MELC Immanuel Khopi Mission Board Committee vai saina toh **Crusade-cum-Revival** vaiguon nei uhi. **Thupi:** “*Na Piengtha ngeingei ding ahi*” (Johan 3: 7). **Speaker** in Pro



“*Mission kichi khu mihingte tahsalam hamsatna tuomtuom akipat a hinkhuo uh akiledoh nadia nasep khu ahi*”- **M.M. Thomas.**

Pastor Joshua Mangsuankhai leh Evan. M. Goukhanpau te pang uhi. Pasion mapuina in buoina umlou in Date 15th nia zaw ahi toh kitua in, Upa Lalneithang, Chairman MBC in Speakerte SILPIEH piehna anei a, Pasion zal in lawchingtah in vaiguon zaw ahi tahi.

7. ELWA/ LED ANN-NGAWL THUMNAA NEI UH:

Apeisa Date 17th June 2025, Nai 8:00-12:30Pm sungteng ELWA Lamka East Division saina in Tuibul MELC mun ah Ann-ngawl thumna hun zang uhi. Vaiguon honna Rev Nengkhanlal Milun, DS/LED in, Vaidawn thugenna Nu Niangdeiching, Chairperson LED ina neizaw in Tam thumkhawmna pat ahi. Tam hun khu **Session 3** a khen ahia, **1st Session** (08:40-9:40 Am) by Evan. Thangkhanpiang. **2nd Session** (09:40-10:40 Am) by Pastor Dr M. Thangboi Zou, **3rd Session** (10:40-11:40 Am) by Evan. Dr. David G. Tungnung. Tua zou in kipah thugenna Nu Thangkhanman, Finance secy. in aneizaw in Topna thumna, Toikhawm leh Singpi latna Upa Kammang, Local Chairman in nei a, nuom leh lawchingtah in vaiguon zang zou uhi.

8. LYF HQ. CCHURCH IN “ONE DAY SEMINAR NEI”:



“Miision kichi khu Pasion a Mithum (Trinity) te nasep ahia, Hattuom in tam nasepna ah pan theine, hamphatna inei uhi. Mission ichi khu Pasion lungtang akipat hing kipankhie

Nisim 14th June, 2025 (June) in LYF Hq. Church in One Day seminar vaiguon nei uhi. Tami vaiguon ah sangnaupang Pawl 9 apat atunglam teng focus in Session 3 a khen in a um hi.

1st Session ah Dr. Niangsangching, Academic Dean, GBC in “*Christian Purity*” chi topic tungtawn in zilsahna anei hi.

2nd Session ah M. Hauminthang, Assistant Audit Officer, Office of the Principal Accountant General in “*From Classroom to Career*” chi tungtawn in zilsahna nei in,

3rd Session in Suanlyan Tungnung, Translator (Zou), DIPR Govt. of Manipur in topic “*Preserving Cultural, Identity & Traditions*” tungtawn in zilsahna nei uhi. Vaiguon honna ahileh Pastor Thangkhongam, Local Pastor in nei in, Upa Khankhup, Local Chairman in vaiguon khahna nei in seminar lawching tahin zaw ahi tahi.

9. MELC SUNGA BIBLE STUDENT TEN “MINISTRY TOUR” NEI THEI UH:



ahia, Pasion khu itna vang a sawldohna nasep bulpi khu ahi”- **Hoedemaker.**

Apeisa 25th April to 1st June 2025 sungteng in, tulaitah a MELC in Bible Student inei uh mi 24 ten “*Ministry Tour*” in Hattuum/kho 19 vehna (visit) nei thei uhi. Tami hun ah student bangzat ahiei kalsuon khawm theilou (absent um) in um nanleh atamzaw peikhawm thei uhi. Tutung a Bible Student ten Hattuum vehna (visit) aneite uh ahileh:

1. Lamka West Division apat:

Hq. Church, Zomi Colony, Hatching Sion, Manniang khuo, Chinmang Veng, D. Phailian, Thingkangphai, L. Zozang, leh Immanuel khopi.

2. Lamka East division apat:

Central Church (Tuibuang), Zoumunnuam, Bethel Chapel Hiangzou, Simveng, Tuaitengphai, Tuibul, Sehken.

3. Singngat Division apat:

Phaibem, M. Lunmual, Singngat leh Kullian MELCte vena nei uhi.

Tutung a “*Bible Student Tour*” peikhawm thei teng ahi uleh: (1) Dousuankhai (2) Zamliansang (3) Liansuanmung (4) Adam Ginlunlal (5) Mangchinlam (6) Hauminlal (7) Dousomthang (8) Hauminlian (9) Lalminthang (10) Thangmuanhau (11) Mangkhanpau (12) Ginneithang (13) Jamlunlal leh (14) Nuambiahhoi te ahi uhi.

Mangpa Pasion in tunia Bible student ineite uh alaisimna chiet uah mapui in lawching tah in Degree angla chiet thei na ding un deisahna sangpen Tangkou Editorial Boardten ka hing lan uhi. Tualeh Hattuum mipiten zong i thumna uah thei chiet din ngetna zong ahing kibawl hi.

“*Tukhang a Mission khu hattuum mission hilou, Pasion nna ahi*”- **David Bosch**.

10. BISHOP IN KIPUIHUOINA BU HONNA LEH LATNA NEI:



Apeisa Date 20th June, 2025 in Rt. Rev. Khup Do Khen, Bishop, MELC in **MELC Kipuihuoina Dan bu honkhietna leh latna** Martin Luther Hall, MELC Campus ah nei hi. Tam hun ah MELC Office Bearer Committee member te leh Constitution Amendment Committee member te'n uap uhi. Tam danbu pen 2nd Executive Committee chieng in hawmjah hiding hi.

THUPIL

“Mite hing sena suongte a foundation dettah a bawltheite, mi lawchingte ahi uh”

- David Brinkley.

“Guolzawlina masapen leh hoipen ahileh, mani kithunun zohna nei ahi”

- Plato.

“Thei a gaa tam leh suong in akisep tam bangin, min ang gensiet leh na gaa umta ahi chin, lungkelou in kalsuon zing in. Suong a ang kise atawp hun khu na gaa lou hun ahi ding hi” – Pastor Dr M. Thangboi Zou.

If undelivered, please return to
The Editor, Gospel Tangkou
MELC Office, Hqtr. Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuom khanletna ding)

Printed at



Convention Book House
Dorcas Hall Campus, New Lamka

BOOK POST

To

.....

.....

.....